

第一八九冊

方輿彙編

山川典

華山部

太白山部

荆山部

吳山部

牛峽部

崆峒山部

西傾山部

雪山部

賀蘭山部

鳥鼠山部

朱圉山部

仇池山

梁山部

隴山部

嶓冢山部

積石山部

金

卷一

卷二

卷三

卷四

卷五

卷六

卷七

卷八

卷九

古今圖書集成

中華書局影印

圖一六四



古今圖書集成

卷一百一十五

欽定古今圖書集成方輿彙編山川典

第六十七卷目錄

華山部彙考一

圖

考

華山部彙考二

上古 黃帝一則

有虞氏 舜舜一則

秦 始皇一則

漢 武帝元封一則

魏 元帝成熙一則

北魏 明元帝泰常一則 文成帝興安一則

隋 煬帝大業一則

唐 高祖武德二則 元宗先天一則 開元六則 肅宗上元一則 僖宗乾符一則

宋 太宗太平興國一則 真宗大中祥符三則 哲宗元祐一則

金 世宗大定二則

元 世祖至元二則 仁宗延祐一則

明 太祖洪武三則 惠宗建文一則 成祖永樂三則 仁宗洪熙一則 宣宗宣德一則 英宗正統六則 代宗景泰二則 英宗天順二則 憲宗成化六則 孝宗弘治五則 穆宗隆慶二則 神宗萬曆一則 世宗嘉靖三則 穆宗隆慶二則

華山部彙考三

皇清 順治二則

山川典第六十七卷

華山部彙考一

西嶽華山

夏書曰太華周禮曰華山爾雅曰西嶽山海經曰太華又曰小華郭璞注曰小華即少華而史記注及水經注又皆以爲博物山或又曰華山今總稱爲西嶽華山其山高五千仞廣十里山形四方如削成是爲太華東與少華相連太華在華陰縣城南十里少華在華州城南十四里歷代皆有勅祭焉

考

按晉經夏書禹貢華陽黑水惟梁州傳東據華山之南西距黑水注梁州之境東據華山之南不得其山故云陽也華山之西雍州之境也注大曾氏曰華山即西岳在梁雍之界其陽爲梁州其陰爲雍州西傾朱圉鳥鼠至于太華注地理志云太華在京兆華陰縣南傳太華雍州山也地志在京兆華陰縣南今華州華陰縣二十里也導河積石至于龍門南至于華陰傳華陰華山之北也

按周禮夏官職方氏河南曰豫州其山鎮曰華山注易氏曰漢志京兆尹華陰縣太華山在南後漢華陰屬弘農郡唐及今爲華陽縣

按爾雅釋地西南之美者有華山之金石焉

釋山河南華注華陰山疏註華陰山者案禹貢導河積石至于龍門南至于華陰東至于底柱孔安國云河自龍門南流至華山北而東行然則此山在河之南故曰河南華在華陰縣界故曰華陰山也

華山爲西嶽疏白虎通云嶽者何謂嶽之爲言摘摘功德也西嶽爲華華之爲言獲也言萬物成熟可得獲也

釋草帛似帛布似布華山有之注草葉有象布帛者因以名云生華山中

按山海經西山經松果之山又西六十里曰太華之山削成而四方其高五千仞其廣十里鳥獸莫居有蛇焉名曰肥蠃六足四翼見則天下大旱注即西岳華陰山也山形上天下小峭峻也

圖 山 華 嶽 西



又西八十里曰小華之山其木多荆杞其獸多牝牛其陰多磐石其陽多瑋珉之玉鳥多赤鷩可以禦火其草有萆荔狀如烏韭而生於石上亦緣木而生食之已心痛註即少華山今華陰山中多山牛羊肉皆千斤作音昨

凡西經之首自錢來之山至於驪山凡十九山二千九百五十七里華山家也其祠之禮太牢

按史記封禪書名山曰華山註正義曰括地志云華山在華州華陰縣南八里古文以爲敦物也註云華

嶽本一山當河水過而行河神巨靈手邊脚蹻開而爲兩今脚跡在東首陽下手掌在華山今呼爲仙掌河流於二山之間也開山圖云巨靈胡者偏得神仙之道能造山川出江河也

按漢書天文志太白主華陰山涼雍益州

地理志京兆尹華陰註太華山在南有祠

按後漢書郡國志弘農郡華陰故屬京兆有太華山

註左傳晉賂秦南及華山山海經曰太華之山削成而四方其高五千仞其廣十里鳥獸莫居有蛇焉名曰肥蠶六足四翼見則天下大旱周武王放馬牛於

桃林墟孔安國曰在華山東晉地道記華山在縣西南

按風俗通義五嶽篇西方華山學者華也萬物滋然變華於西方也廟在弘農華陰縣

按西遷注華岳之勝不惟峰巒登削上千青異而泉水縱橫迅瀉飛薄懸瀑驚濤澄潭急澗觸風烟寫日月迸流霞嶂曼擊亂石間者前後接響東岳不逮也

水下流經岳殿前至後爲大池冬夏不乾西岳華山

地肺女凡爲佐命西城青城峨眉嶓冢西元戎山吳山爲佐理

按水經禹貢山水澤地所在華山爲西岳在弘農華陰縣西南註古文之惇物山也

禹貢云終南惇物至于鳥鼠按禹叙雍州不言華

山故以惇物當之然西傾朱圉鳥鼠至于太華已記之矣漢書云惇物山垂山也豈垂華二字相亂

邪

河水注華岳本一山當河河水過而曲行河神巨靈

手邊脚蹻開而爲兩今掌足之跡仍存華嚴開山圖

曰有巨靈胡者偏得神元之道能造山川出河所謂

巨靈最屬首冠靈山者也常有好事之人故升華嶽

而觀厥跡焉自下廟歷列柏南行十一里東廻三里

至中祠又西南出五里至南祠謂之北君祠諸欲升

山者至此皆祈請焉從北南入谷七里又屆一祠謂

之石養父母石龕木主存焉入疑作南出一里至天井井裁容人穴空迂廻傾曲而上可高六丈餘山上

又有微涓細水流入井中亦不甚沾人上者皆所由

涉更無別路欲出井望空視明如在室窺窻也出井

東南行二里峻坂斗上斗下降此坂二里許又復東

上百丈崖升降皆須扳繩挽葛而行矣南上四里路

到石壁緣傍稍進逕一百餘步自此西南出六里又

至一神名曰胡超寺郭緣生述記神像有童子之神像生述記神像有童子之神像

容從祠南歷夾嶺廣裁三尺餘兩箱崖數萬仞窺不見底祀祠有感則雲興之平也然後敢度猶須騎嶺

抽身漸以就進故世謂斯嶺爲擗嶺矣度此二里復

屆山頂上方七里靈泉二所一名蒲池西流注于澗

一名太上泉東注澗下上宮神廟近東北隅其中塞實雜物事難詳載自上宮東北出四百五十步有屈嶺東南望巨靈手跡唯見洪崖赤壁而已都無山下

上觀之分均矣河在關內南流潼激關山因謂之潼

關灌水注之水出松果之上北流逕通谷世亦謂之

通谷水東北注于河述征記所謂潼谷水者也或說

因水以名地也河水自潼關東北流水側有長坂謂

之黃卷坂傍絕澗涉此坂以升潼關所謂沂黃卷以

濟潼關矣歷北出東嶺通謂之函谷關也遂按天高

空谷幽深澗道之峽車不方軌號曰天嶮故西京賦

曰巖嶮周固矜帶易守所謂秦得百二井吞諸侯也

是以王元說隗囂曰請以一丸泥東封函谷關關王

不成其弊足霸矣郭緣生記曰漢末之亂魏武征韓

遂焉超連兵此地今際河之西有曹公壘道來原上

云李典營義熙十三年王師曾據此壘西征記曰沿

路遂遙入函道六里舊城城周百餘步北臨大河南

對高山姚氏置關以守峽宋武王入長安檀道濟王

鎮惡或據山爲營或平城結壘爲大小七營濱帶河

嶮姚氏亦保據山原阜之上尚傳故跡矣關之直北

隔河有層阜巍然獨秀孤峙河陽世謂之風陵戴延

之所謂風陵者也南則河濱姚氏之營與晉對岸

渭水注渭水逕縣故城北春秋之陰晉也秦惠文王

五年改曰寧秦漢高帝八年更名華陰王莽之華疆

也縣有華山山海經曰其高五千仞削成而四方遠

而望之又若華狀西南有小華山也山上有二泉東

西分流至若山雨滂泮洪津泛灑挂瀉騰虛直瀉山

下有漢魏文帝二廟廟有石闕數碑一碑是建安中

立漢鎮遠將軍段熲更修祠堂碑文漢給事黃門侍郎張昶造昶自書之元帝又刊其二十餘字二書有重名於海內又刊侍中司隸校尉鍾繇弘農太守母丘儉姓名廣六行鬱然循平是大康八年弘農太守河東衛叔始為華陰令河東裴仲恂役其逸力修立壇廟夾道樹柏迄於山陰事見永興元年華百石所造碑

按唐書天文志鵠首實沈以負西海其神主於華山太白位焉

地理志華州華陰郡華陰註垂拱元年更名仙掌神龍元年復曰華陰上元二年改曰太陰華山曰太山寶應二年復故名有岳祠

按地理通釋十道山川攷秦華山在華州華陰縣南八里註太華西八十里少華之山西京賦綴以二華少華山在華州鄭縣東南十里

按三才圖會華山圖考華山五嶽之西嶽也周禮豫州其鎮山曰華山華山記云山頂有池生千葉蓮花服之羽化因曰華山出城南三峰在望挿天寒碧映入脾肺七里至雲臺觀後周武帝時焦道廣居雲臺峰築此延之又南行二里至玉泉院宋端拱中建以居希夷先生者也院後有塚至五里關往時避兵者就險壘石為關額曰通天第一門行四里為希夷峽山勢壁立澗水經其中匯作小池從石室傍下之如琴如筑鳴聲悅耳希夷脫骨於此或云即張超臥仙坪也半壁有穴飛抱之又里許至杳羅坪遂至杳羅菴菴外東面石壁可數十丈鳴瀑掛壁而下有坎兩南直上可容足趾道士郭全銘曰此通上方峰指石

縛為西元門唐金仙公主修真於此駕鶴飛去白雲宮細辛坪在焉懸鐵鍊而不上似三峰時通人跡北望山頭有石如柱為繫馬峯西望西山桃花盛開不知絕壁何緣著種或云風吹花片粘之輒生花雅淡不似人間穠豔花間似有物去來人云山羊善走險棲嶽崎中南有回峯青柯所從之路也四山高起奇秀滿前應接不暇聞寂中泉聲更自清迥每望前峯已如路絕攀緣踰焉至十八盤山最陡者十有八折乃得上故名盤盡峯回忽見垣屋鱗鱗綴前嶽則青柯坪是矣地勢愈高天然之景爭獻秀爽視杳羅又過之遙見泉掛山腰如練此水簾洞也直下三千尺自蓮花峯來度石橋從左徑上可里許有同心石從此上千尺幢遊人見險心悸率退轉是名同心石至千尺幢下蓋絕壁裂裂之兩旁稍施斧鑿斷樹枝橫之以承足枝相離尺許凡千尺云西折上百尺峽似幢而裂在峽之內出岐登望仙臺方丈平石可佇立遠眺度二仙橋石梁跨壑草樹清幽過車箱崖如車箱人緣輪以行乃至老君離垢絕壁有坎如西元余上之如幢如峽而險更甚謂老君登華從此離却垢氣云過擦耳崖崖峭立躡處僅容足又下臨深壑復至一崖奇峭甚仰攀折全出石穴以上有鐵猿攀踞崖畔曰猢猻愁過此忽開朗則白雲峯也送至險際曰此閣王邊謂鄰于鬼矣余攝衣以登了無所怖乃至日月崖謂兩崖高起日月出沒從山隙射之當是奇觀歷金天洞洞最宏敞又經三元洞洞似金天蒼龍嶺在其前嶺中起旁殺蜿蜒入雲人從龍脊行危甚石平處暫得休伏視下方松頂若蓬蘽在蒼

烟中濤聲萬壑疑泛巨海剛風時捲人衣覆面嶺可百丈真能褫魄兩傍石穴施鐵柱有仆有立人云舊嘗有欄漢武帝登山御道也度嶺望見雙松聳出空際曰此將軍樹矣自青柯以上無他樹樹多青松白楊山高風銳震撼無定枝幹盤曲獨此二松挺然離立有石曰上馬石者人曰昔有風道人不知姓名遊行山頭一日天馬下之風道人就石跨馬行空而去石傍有老松倒掛若虬龍下雲端怒昂首攫掌至趨雲山崖崖有宗土地祠謂華為華山之宗也已顏祀有四仙菴為譚紫霄馬丹陽劉海蟾丘長春修煉之所凡歷數險則玉女峰矣大石如龜殿立龜背壁瓦皆鐵人云陶瓦則山風能颺去之也前一圓坎水紺碧為玉女洗頭盆又其前石裂裂可五尺以石投之食頃猶有聲或云下通黃河唐元宗禱雨進簡於此刻龜腹為石室舊有楊妓師事韓姑於此韓肉身猶在槁而不腐又南為三清洞王道人結菴其右上東峰岡石斜削可數十丈稍鑿足跡無草樹枝蔓可攀躡從者手接而上之可達於嶺有三茅洞前為小殿殿左有巖臨崖遙眺當東峰盡處東南北三面無他峰碍蔽道人指點中條首陽諸山疑隔數里黃河如綫則近紫山足矣村落比比云此同州此蒲州此某某千里之內可俯而視也忽雲生首陽英英欲起道人因言雲彌布峯巒即數日下方不雨一流動則下方雨矣有時晴雲冉冉孤飛入谷忽已失之蓋歸雲也步前岡老君基所基石方徑五尺三十二子鐵為之重不可舉與道人其踞而語忽聞鼓聲頃之如雷余訝焉道人曰風入巖坎耳俄而東壁有隙光啓

意片月方起光上射巖端白雲纖潔如素錦臨崖端下望雲如飄棉飛絮平鋪萬里僅山尖上出循岡北行觀仙掌巖巖壁黑色石膏自學中流出隨膏凝結黃白相間遠望之見其大者五岐如指後人好奇遂謂巨靈壁山掌跡猶存右折觀新洞洞頗高廣猶未訖工同州馬君怡額之曰迎陽蓋華當少陰迎陽以妃合之令有生氣云又上之爲雷神洞復右折爲朝元洞洞之下有賀老避靜處穴石垂雙鏤而下之鏤盡乃板道以銅杵插之峻壁而板載之銅杵之上復綴壁鏤攀之而行板道下背絕壁松林隨山麓起伏翠濤彌望賀所棲室馮于突崖楊窺猶在室傍有最高十餘丈遙覆其室朱書全真巖三大字蓋還出石穴復經閭王邊西折以上爲避詔巖希夷表九重仙詔休教丹鳳銜來蓋此巖上覆如屋惟狀與分寧之清水巖略等西上爲嶽殿下有希夷經句處鍾離雲房過焉候其息以紙墨作黑白圈圖之授純陽子曰先天混沌譜也又下爲老君煉丹之所石爐徑丈餘高可六尺北行爲西峰石罅二尺直下相傳陳香子斧劈之留有足跡或曰巨靈足也又北上爲西嶽大殿殿之北爲舍身崖崖之東稍折而下爲鎮嶽宮玉井在焉深可十丈圓徑半之記云池生千葉白蓮服之羽化又北上爲蓮花峯視諸峯不知更高幾許覺得身在太清中峯之下有石窪如曰凡二十有八上應列宿自南而北如貫珠水經其中自崖端挂下山腹水簾洞洩之道人爲余指點雲臺白雲白羊松檜朝來玉掛玉秀毛女諸峰張超石羊黃神藏馬諸谷歷歷詳說山骨立五千仞洞背琢成山坳山罅有

土乃有樹樹底多墮葉摧枝歲月朽腐無寸草石上生萬年松草類亦薜類皆枯筮一雨還青記稱華山神林斧犯之輒逢虎狼豈然哉山自青柯以上樵者所不能到故棟梁之材于霄合抱皆得自全不獨樗櫟靡腫匠所棄也

按陝西通志山川攷少華山在華州南十四里東連太華中峯曰少華峰東曰獨秀峰唐昭宗幸華州封爲祐順侯

太華山在華陰縣南十里山海經云太華之山削成而四方其高五千仞其廣十里鳥獸莫居是山爲三峰南曰松檜峰一曰落鴈峰李白登落鴈峰嘆曰呼吸之氣可通帝座恨不攜謝眺驚人句來搔首問青天耳卽此東曰明星玉女峰西曰蓮華峰一曰芙蓉峰其上有太上全真崖避詔崖卽陳搏臥仰處天池八卦池太乙池菖蒲池黑龍潭二十八宿潭明星玉女祠玉女洗頭盆石馬玉龜仙人掌石日月鎮嶽宮玉井卽韓愈詩所稱花開十丈藕如船者博臺卽秦昭王令工施鉤梯處又有石折爲唐明皇投簡處山腹有洞東曰昭陽西曰西元南曰正陽北曰水簾卽總仙洞天登真隱訣云嶽洞深三百里有瑤臺玉室樹則蘇茅芳林泉則石髓金精遙望洞中方圓丈餘島道絕通人跡罕到時出異色雲氣洞口有石如丹青畫像冠帔衣服無不周備號曰石仙人瀑布飛流

毛女峰在華山下西嶽秦宮人毛女所居雲臺峯在華山下東嶽南峰嵯峨四面陡絕上冠景雲下通地脈巖巖獨秀有若雲臺

白雲峰在華山東北唐金仙公主出家之所明皇鑿穴求之卽今西元門

瘦肚峰在華山中上方上唐明皇嘉其高迴欲于峯腹大鑿開元二字填以白石諫官諫乃止

秦倉谷在華山東卽楊儼隱處

寶谷在華山東卽王遙隱處

黃神谷在華山東眞人黃蘆子隱處谷口有黃龍潭旱則禱焉未封廣潤侯

牛心谷在華山東卽槐市楊震教授生徒處

文仙谷在華山東呂眞君修道處

窰谷在華山西谷口環抱如窰爲商洛徑道

桃谷在華山西入谷八里爲張果廳經處

大數谷在華山西谷受秦嶺以北東西諸水

仙谷在華山谷內卽張公超霧市

車箱潭在縣西南二十五里深不可測宋仁宗每歲遣使投玉簡于此崇寧二年封豐潤侯爲天下第七水府禱雨輒應

按華州志山川考嶽頂中爲蓮花峰爲太上山爲明星玉女祠爲玉女洗頭盆爲石馬爲玉龜驢爲鎮嶽宮爲玉井蓮

嶽頂東峰爲仙人掌爲石月

嶽頂西峰爲巨靈足

嶽頂南峰爲落鴈峯爲黑龍潭爲五粒松爲仰天池爲全眞人

嶽北腹中爲石仙人洞爲水簾洞爲瀑布

嶽頂東南爲老君洞爲太上泉爲丹爐爲菖蒲池爲

焦公巖爲基石爲白鹿龕爲三公石室基

近嶽西北峰爲毛女峯爲壺公石室爲太極總仙洞爲洞元石室爲肥蠶穴爲葬場爲蘆花池

近嶽東北爲雲臺峰爲試鑿穴爲長春石室

嶽中名峰爲上方爲西元門爲西元洞爲極真洞天爲中方爲白雲峰爲甕肚峰爲駕鶴軒

近嶽峰爲顯天峰爲松檜峰爲玉柱峰爲玉秀峯

嶽迤東爲王刁三洞爲文仙谷

又東爲碧雲洞爲碧雲溪爲黃神谷爲牛心谷

嶽迤西爲仙谷爲車箱潭爲修羊公石榻

又西南爲桃谷爲甕谷爲竹谷爲羅敷山爲大敷谷又西南爲華陽敷

少華山東連太華山峰稍低故曰少華入關者自華嶽過瞻巍聳未嘗不歎其爲嶽鎮之雄及西邇少華

諸峰而覽也則神秀屏障之設又未嘗不愛其爲勝絕之區昔唐昭宗幸華州歸長安封少華山神爲佑

順侯房鄴有少華山佑順侯碑頌張衡西京賦云綴以二華謂太華少華也少華在華山西少華山一帶

峰巒東西本聯絡一山無異陴別甌也乃昔人猶各

命山峰之名今姑從之

按山海經太華山西八十里曰小華之山言太華爲西方靈灝之氣其翠秀鍾凝乎芙蓉毓萃於支

冢雖羣嶽疊起連峰突兀則太華之餘氣也其實

總爲一山而必以輔者拱太華故曰小華也考舜

典八月西巡狩至于西嶽亦如東巡之禮而封太

華禪小華禮固有然亦猶之封泰山而禪云亭也

再按通鑑宋神宗熙寧五年九月少華山崩文彥

博有傷國體飲民怨致華山崩之說蓋崩者即阜

頭峰也後人指阜頭峰西南一小峯名之曰小華

山即今之所謂少華山是也峯嶽聳秀僅關風氣

云爾無奈左道者於明萬曆間始鑿峰巒建玉

皇廟少華神唐封佑順侯阜頭峰神朱封顯應侯

名雖有二其實一神也玉皇何帝而臨斯乎夫以

玉皇而臨少華不猶天子九五之尊而襲以令尹

百里之位耶顯已鑿矣氣運漸壞昔有議補其闕

者後遂寢其事今郡守蒲坂馮公命諸生張綸姬

景劉遇奇伐石砌臺告厥成功焉

古蹟考小華西峰有秦皇觀某唐建浮圖鎮風有大

唐上元五年七月十五日銀青光祿大夫檢校華州

刺史上柱國襄邑縣開國子駙馬都尉尉師望題銘

至宋復建元天上帝廟廟後塔基尚存今譌爲唐郭

駙馬墓

按華陰縣志山川考縣之東南四十里曰禁坑今日

禁谷以其盜關者必由之途禁人往來權其征稅有

水逕下通洛入潼水其西十里曰松果之山有佛頭

崖雲覆其巔輒雨三十里抵縣界爲襄鄆便道水經

注有灌水出松果之上即今潼谷水北流經衛城竭

子山入河古稱潼潼津皆因此西曰水谷又西曰

靈谷鄆道元以爲泥泉水出焉今近水谷下有泉水

濁而赤由小月溝金盆寨過弔橋西北注於渭又西

爲留仰嶺一曰朝陽山端正嵯峨有大郎廟下二泉

濟雨多應世傳葬伯起大鳥落羽於此故名又西曰

蒲谷澗其水北流稍西北轉稱曰沙渠水北入清河

達於渭澗東有關王城俗傳雲長養瘡於此者非或

曰觀德王城近之又西爲秦倉谷產藥物即楊儼隱

處又西爲寶谷山曰朝來取朝華義洞曰王刁三洞

乃王遙隱處其水西北流曰小澗自城南入長澗河

又西曰黃神谷眞人黃蘆子隱居之所谷口有黃龍

潭旱則禱焉朱封廣潤侯下多水磨崖上饒治平熙

寧間遊人題名元符中有邵伯溫同遊字蓋宋時爲

眞君觀朝使祈報多在此址廢碑有其水西北流俗

曰大澗南入長澗河又西爲牛心谷乃楊震教授生

徒處又西曰文仙谷爲呂眞君修道處又西即太華

山山層雲秀二泉合流雨過滂湃洪津泛灑挂溜騰

虛直瀉山下出谷始西北流過朝元洞循長城而北

注爲王家河過縣西門外爲西河西轉北折而東流

爲清河東三十里至貢莊入于渭又西爲仙谷谷內

十里有車箱潭宋仁宗每歲遣使投玉簡于此崇寧

二年封豐潤侯爲第七水府禱多應其水出谷西北

流過潭谷利在坊車遞北經縣十里長城橋東北流

至土落方入于渭又西爲好漢山以山勢雄壯得名

又西爲甕谷谷口環抱如甕爲商洛經道險惡前

令王時雍修治之入谷十里爲吳王墓四十里至甕

嶺東轉爲華陽川即古華陽敷也呂氏春秋九載之

一七十里至秦山界其水曰黃酸之水南出升山北

至于渠頭東流過貢橋合於仙谷水又西爲桃谷以

多桃得名入谷八里張果嘯經處嶺西爲竹谷云果

竹園未詳所是又有天台山總附會也又西爲羅敷

谷一曰大敷谷別于小敷谷也入谷三里爲百索潭

十里爲相公嶺二十里爲鹿圈觀觀傍爲揭鼓潭其

谷受秦嶺以北東西諸水以故其水最大沙衝民田

經敷水鎮東北透蛇至灘子入渭敷水之西相傳

方輿彙編山川典第六十七卷華山部

第一八九冊 之〇三葉

之〇三葉

之〇三葉

之〇三葉

之〇三葉

之〇三葉

之〇三葉

之〇三葉

之〇三葉

之〇三葉

之〇三葉

之〇三葉

爲實建德城有橫陣花園無據惟水經注以爲周武王之告平城所未詳也又西爲慈谷水經注頭之東北至莊子村入河又西爲太谷又西爲方山谷屬縣之西輻水不常有潦則水從分界直北兼受華州諸水浸決而東合于慈谷水正德壬申郡守桑溥引導北流邑都憲屈直記于碑今令王九疇始修之水復故道

秩祀考西嶽廟舊在黃神谷口今縣東三里廟自漢武帝始唐增雄麗今制額靈正殿六楹寢殿四楹兩翼司房八十餘間階下鐘鼓樓各一中竹檻二池二泓前爲金城門門外神茶殿祭器所西向列鬱壘殿易服亭東向列左宰牲所右致齋所再前爲櫺星門其外左碑亭右香亭碑樓七門內五門外二又前臺門五臺上有樓連珠亦五宏敞瑰瑋可以眺指三峰最後魚池一大泓近創修藏經閣創基甫就周圍蕭牆凡三百七十四丈廟外樹兩緯楔南對又有亭用以備樂蓋真稱巍然宇內矣

按華嶽集峰麓名勝記雄哉蓮嶽壁立削成直插天外昔人之述備矣乃芙蓉明星玉女而下疊嶂層巒霞標瀑布突然豁然呈奇競秀極幽遐瑰詭之狀令人望之神竦採之不窮

蓮花峰按昭文館記稱蓮花峰上有三峰上接三光中有石池二十八所上應二十八宿青松綠竹叢生高岡白雲翠靄旋於幽阜懷繡金玉蓄藏風雷爲大帝之別宮迺神仙之窟宅也又云一上四十里卓立五千仞上有明星玉女之別館金天王之正廟二十八宿池仰天池八卦池太乙池俱在嶽頂中蓮

花峰上

玉井在蓮花峰旁中生千葉白蓮

太上山按昭文館記稱蓮花峰爲太上山四面削成高五千仞迴鑾四合三峰嵒嶸上廣十里鳥獸不居老君洞在巔之東南峰太上泉在老君洞太北菖蒲池在太上泉之旁

細辛坪在嶽頂西南隅方圓三四畝盡是細辛

明星玉女祠在頂之中峰龜背上立祠堂有玉女石室玉女聖像併玉女石馬

玉女洗頭盆在祠前有石臼白中俱有水號曰玉女洗頭盆其水碧綠澄澈旱不竭雨不溢神霧經云明星玉女持玉漿餌之令人得神

玉女牕在雲臺南峰上有石門入丈餘直上石窠如牕望見南峰明星玉女之別館也

石龜躡在頂中玉女祠在其上其石似龜東西八九步南北二十餘丈兩頭壁立其形如龜前有石躡猶如坼裂闊可有五寸其深不可測以物投中食頃猶聞其下聲即古之投簡于嶽府之所也

黑龍潭在頂之南峰上人間曠旱祈求必雨宋崇寧一年勅封顯潤侯

洞元石室在頂之西北峰上其石室東西有二門初入才容身側入至石室中周迴五六丈東門上接雲霞西門下臨地中有石道君像高三丈戴三景扶辰之冠石衣文如九色雜羅之文像多古錢其錢多脚一頭多孔一面有文云大布大篆

爲葭荻今名蘆花池是也

基石在嶽頂東南隅別一孤峰上遙望有石方如並榻真若碁局

石仙人瀑布石仙洞昭陽洞正陽洞西元洞水簾洞石仙人在嶽北面半腹中登真隱訣云嶽洞深三百里有瑤臺玉室樹則蘇茅芳林泉則石髓金精遙望洞方圓可丈餘鳥道絕通人蹤罕到時出異色雲蒸洞口上有丹石間畫石似丹青畫出仙人之狀冠帔衣服無不周備高下大小如人形號曰石仙人上有瀑布飛流直下一千餘丈其石仙洞又稱爲水簾洞其嶽有四洞東曰昭陽西曰西元南曰正陽北曰水簾

肥蠶穴在頂之西北峰上山海經云太華山有蛇焉名肥蠶六足四翼見則天下大旱

巨靈掌石月巨靈掌在頂之東北峰上石月在掌上遁甲開山圖云巨靈得元元之道與元氣一時而生混沌之師九元祖也漢武帝觀仙掌于縣內特立巨靈神祠焉

雲臺峰在嶽東北其山兩峰崢嶸四面懸絕上冠景雲下通地脈巖然獨秀有若雲臺下有穴昔有人入此穴東出方山行云經黃河底上聞流水之聲

松檜峰朝來峰玉柱峰玉秀峰此四峰上盡是青松檜柏常有異色雲氣覆之其峰聳翠孤巒人跡希及太極總仙洞在嶽西北毛女峰之西其下有車箱潭三公山在嶽之東南三峰巖然森秀上像三台故號三公

醴泉在古巷直下水微有酒香爲國之瑞慶招鳳飲

旁有玉女神祠

玉泉在張超谷口其水色如漿因置玉泉院

黃龍潭在神谷口祈雨感應封廣潤侯

車箱潭在仙谷裏十里乃太極總仙洞直下宋仁宗明道中每歲遣使投金龍玉簡宋徽宗崇寧二年封豐潤侯按水府記云天下一十八處水府華山車箱潭乃第七水府也與南海溫江同皆投金龍玉簡之處

素靈宮按太平廣記馬周傳華山有素靈宮迺總天

洞府十洲三島神仙之所也

極真洞天按十大洞天記第一王屋山小有洞天周迴一萬里杜甫詩云萬里仇池穴潛通小有天第四華山西元洞周迴三千里名極真洞天其洞中天地高大日月星辰風雲草木與外無異惟日停輪耀赫朗接太空乃長春之境宮闕樓臺盡是金玉七寶所成旁生紫林芳花玉髓金津素靈真人頌曰異果奇花不可名尋真何用到蓬瀛碧雲天地洞中列白玉樓臺象外生萬壑芝蘭盤峭拔千峯風雷聳崢嶸八公會此分金液服盡全家上太清

總仙洞天按二十六小洞天記云第一霍童山洞周迴三千里名蓬元洞天第三西嶽華山洞周迴三百里名總仙洞天素靈真人讚曰墜石爲仙號七星五門日月轉元程雲飛雨散天中去管得林巒生異名古蹟考御道在仙掌峯北乃昇嶽路也漢武帝唐元宗會遊此因名之今兩旁有石白子乃當時栽欄杆用錦繡遮護危險峰頂須由御道跨蒼龍臨雲臺天井下有百尺幢自頂至青柯坪二十里青柯坪出谷

口二十里

老君煉丹爐在蒼龍嶺之東北峯上老子見周之衰西邁流沙至函谷關關令尹喜占其氣知真人將過果得老子老子亦知其奇爲著書上下篇言道德之事後隱華山頂之東南峯有老君洞

毛女峰在嶽之西毛女字玉姜秦始皇宮人見國祚將亡遂負琴入山之北峰上隱居服松柏葉飲泉水體生綠毛世人見之稱毛女洞至今洞中有鼓琴之聲道人嘗聞之峰下有白石寺久廢

修羊公石榻在嶽之西北仙谷中石室有石榻修羊公常臥於上石榻盡穿陷常不食漢景帝問曰公有何能公不答即化石羊其背有字云修羊公謝天子後置石羊於通靈臺羊又去不知所之

裴君石室在嶽頂之西北峰上即洞元石室昔清虛真人裴君入石室精思至道積二十三年降五龍元老之所

算場在嶽頂上後魏道士寇謙之洞曉渾天儀九善乾象曾定天元五紀其算有差後成公與真人伴狂而來假爲貨客誤觸算籌其算乃合謙之悔恨獨居山林遂隨真人去棄其餘算籌化爲葭莩即蘆花池是也

衛叔卿博戲石即碁石漢武帝登嶽時見一人羽衣鶴冠乘雲車駕白鹿而從天降武帝驚問爲誰答曰山中衛叔卿也帝曰若是山中中人乃朕臣也忽失叔卿所在帝甚悔恨即遣使梁伯至山中推求叔卿不見但得其子名度世帝曰汝父在何處度世曰臣父少好仙道委家而去入華山四十餘年矣帝使梁伯

度世求之于華山絕頂上望見其父與數仙博戲石上但見紫霧鬱鬱又見數童執幢節立其後度世等望而百拜叔卿曰前爲太上所遣欲誠帝爲窮顯事而帝強梁自尊而反欲臣我不足與語是以去耳又誠度世曰汝慎不得爲漢臣亦不得爲帝語也梁伯度世於是拜辭而去

張超谷後漢張楷子公超結廬此地學者如市又能爲五里霧故稱張超霧市每跨蹇驢入市晚即攜壺荷鍤帶酒而歸

臥仙坪在張超谷內有一石室張超真人蛻骨之所爲樵牧嬉戲於其間有飛石自空來塞其穴今稱臥仙坪

石羊城仙谷在張超谷之西以黃初平初起弟兄二人得仙於此山谷故名仙谷初平者丹溪人也年少時家使牧羊久而不歸其兄初起尋覓四十年後聞市中有道士言人休咎如神初起適問之道士曰太華山中有一牧羊兒姓黃名初平是卿之弟耶初起拜謝即隨道士入此谷中見弟悲喜語畢問弟羊今何在初平曰在山東耳初起往視但見石而還與初平俱往視之初平乃叱石曰羊起白石盡變爲羊數萬頭兄初起叩頭曰弟獨得仙吾可學乎初平曰若有志可得也初起棄妻子拜弟爲師乃俱成列仙叱石處四面寬廣有似城壘俗稱爲石羊城

文仙谷呂真君隱居之所真君來此易姓姬姬更名洞明道號抱真子居華山蓮花峯下文仙谷內結菴四十年人無識者紹興丙子秋前一日謂門人劉裕之曰張翁驪梁昇元待吾久矣因作頌曰上面一个口

下面一个口世間堅的有盛水不教漏囑付裕之訖
怡然臥化裕之即藏遺骸于石室後數歲先生神現
泗州塔題詩云姬州墨客羽化三峯又數歲來謁裕
之題詩云昔日曾居此埋名四十春紅塵多少客誰
是識余人又詩云余曾十載攻文墨萬卷詩書鎖胸
臆浮萍雲水寄家緣住在蓮峰人不識後云回公題
裕之尋所瘞屍處惟見空棺元豐間題琴詩云野人
本是天台客石橋南邊有住宅父子從來只兩口子
好歌詩我好拍又詩云四海遨遊一野人兩壺霜雪
是精神坎離之物會收得龍虎丹行運水銀其碑見
在文仙谷今稱為羽谷菴

牛心谷昔楊震隱居此講授羣書學者如雲其谷
多槐稱楊震槐市山巖間多五色驚鳥山上有雪天
王聖跡雪中觀之惟顯天王披銀甲馳驟白馬之狀
黃神谷在嶽之東真人黃蘆子隱居之所黃楚人也
姓葛名越居此山號兩嶽公治病有千里而來求者
或寄與姓名無不愈禁虎狼不敢動飛禽不敢飛受
術於赤松子年過八十力舉千斤行及奔馬時大旱
召潭中龍催促昇天降大雨一朝乘黃龍而去

藏馬谷藏馬龕俱在嶽東漢武帝求仙于華山下造
靈集宮存仙殿望仙門有神馬自華山出帝令置內
棧馬不久留使人尋之見在此山谷中石龕下故名
藏馬谷藏馬龕石上馬跡尚存

神土巖在雲臺峯東南百步周武帝時有道士焦道
廣獨居雲臺峰辟粒餐霞常有二青鳥報未然之事
周武帝親詣山庭臨軒問道因于谷以置雲臺觀道
廣欲構房廊精思所感石上湧出神土用盡復生於

今尚然

仙油碩在雲臺峰壁中焦道廣每設齋醮天降油於
此後弟子洪仙等見道廣乘一物如麟往而不返後
此油亦不復見矣

避詔巖在華山西南險不可言自古隱遯之士藏真
之所焦道廣賀元希陳希夷俱養靜於此故曰避詔
巖巖之額有希夷手書避詔巖三字迄今墨跡尚鮮
紙猶堅白則仙風道骨之一驗也

試鑿穴在雲臺北峰北面可高百尺其深不測穴邊
有一石大小闊狹狀如鑿出乃希夷先生蛻骨之所
白雲峰在嶽之東北唐明皇妹金仙公主修行之所
名曰白雲宮八仙洞有嶽棚上竹園下竹園棗樹栗

子林花園藥畦磴確見在焉白雲宮側有焦真人石
洞

白羊峰在嶽之西北五里層崖晃朗洞室空濛昔有
人隱此峯莫知名姓常乘白羊往來塵世後與弟子
介琰俱登仙以此號為白羊仙人有禁山錄制虎豹
狼熊符七十道行於世

焦公巖在嶽東南真人姓焦字孝龍河東人常餐白
石或分與坐客其味如芋後遭野火燒其菴鄰峯人
往視之見先生危坐火中菴燒盡先生乃徐徐而起
衣服并無焦灼後數載天忽大雪人覓不見忽於雪
中單衾而臥顏色赫然如盛夏之狀老稚人常有遇
之者

白鹿龕在嶽之東升嶽路之右乃魯女生置有飛泉
滴流女生乃山中得道之仙在華山二百年莫知所
之後忽有人於嶽廟前見女生乘白鹿從士女十餘

人相別而去

王刁三洞在嶽之東仙人王遙字伯遼鄱陽人有妻
無子治病無不愈亦不祭祀不用符水鍼或有邪魅
作祟畫地為獄叩石呼之見狐狸鼯蛇之類皆斬而
焚之有竹篋令弟子錢哥以九節竹杖擔之十餘年
未嘗見開或逢羽衣井不顯夜行見有炬火前導後
至此巖洞中見刁自然即開竹篋取出五古竹簣三
枚三人共鼓之及遙辭去刁自然云卿當早來不可
久住塵寰再期至此洞處後王刁錢哥俱登仙上洞
莫能到中洞有飛石遮於洞門下洞隱居者皆在其
中

碧雲洞碧雲溪俱在嶽之東乃鄭雲叟羅隱之翟士
端鄭隱此四高士隱居之所鄭邀字雲叟南燕人高
節不屈妻妻子聞華山五粒松凝脂千歲能延年
此洞隱居天成中以拾遺召不起賜號曰逍遙先生
羅隱之臨江軍新淦縣玉笥山玉梁觀道士來居華
山或臨水或登山一觴一詠高情自適天福中賜號
曰希夷先生翟士端字表正齊人也博通九經祥符
中真宗幸汾陰禮召不起無疾而逝七日肢體猶溫
及火之有聲如雷五色光炳耀鄭隱字明處竟之奉
符人左臂有黑鰐子如北斗狀常居王刁三洞口自
冬涉春不出人異之祥符中真宗祀后土還駐蹕驛
下詔行在賜號貞晦先生又賜歸山歌云嶽中逸士
本藏名常把琴樽適性情盡日臨流看水色有時隱
几聽松聲遍遊萬壑成嘉遁偶出千峰翫治平已薄
紛華存太素從教兩曜自虧盈談希夷究元默沃予
心號無極僻城闕歸山林樂爾志趣何深好將吟嘯

暢沖襟

壺公石室在嶽之西北孤峰上有石室可容十餘人有泉東北入霧市谷東谷中即後魏道士寇謙之算場西谷中即修羊公石榻穿陷之所壺公者莫知姓名常懸空壺於座上日入之後輒跳入壺中費長房從之學今住此石室中有一方石廣丈餘壺公以茅繩繫之懸於空中令長房坐於石下使諸蛇蟲競來嚙繩繩欲斷而長房坐臥自若終無懼公至撫之曰子可教矣賜子爲地上主者令乘竹杖而歸後至葛陂投於陂中竹化龍而去後得役鬼魅之術

燕公石室在三公山燕濟字子微漢明帝時人隱居石室服蒼木黃精恆散髮亦有練巾惟月朔節乃著之時復一琴一詠常有黃白雲覆其上後辭別交友乘雲而去

長春石室在雲臺山側大唐貞觀中有道士杜懷謙居此石室斷穀不食好吹長笛今人多買笛至於室隅一吹之投於巖下笛盡更息巖中累月不動自號長春先生今石室巖然笛聲不絕

種藥坪王暉真人常餌蒼木黃精有驛虎豹之術每種黃精即駕虎豹爲耕耘常乘虎豹具鸛轡之屬竹杖策之威儀如人乘驛馬之狀常詠九字詩百餘言人莫解其意後乃昇天不復見名其地爲種藥坪

駕鶴軒在中方半路乃唐金仙公主乘鶴昇天之處上方白雲宮中方太清宮下方雲臺宮上方中方下方此三宮皆因羽人焦道廣建唐元宗天寶中命右補闕集賢學士衛包修二方記

西嶽真君廟宋崇寧中改爲崇寧萬壽觀紹興中改

爲報恩廣孝觀昔司馬溫公奏天下建置五嶽真君給賜金牌永鎮洞天福地

華嶽觀漢武帝修建後至宋祥符中因四高士而復興

鹿園觀原在竹谷嶺西宋大觀中因道士仇潤之請額修建於華山之下

拱極觀宋宣和中修建於嶽前社

太平興國觀原在關谷內紹興中因道士焦虛請額修建於華山之下

王母觀原在大羅峰下古有廟至唐貞觀中修建於華山之下

仙宮觀唐金仙公主所居之宮乘鶴之後勅修爲仙宮觀

休糧院宋太平興國中太宗召休糧道者赴闕賜經一藏及還山詩賜號嚴靜大師有休糧詩二百草盛傳於世

巨靈神祠漢武帝修建

拜嶽壇漢武帝拜祀之所至唐太宗修爲鎮嶽靈仙寺後名勝會院或名昭慶寺

宣澤亭宋眞宗拜嶽壇在太華驛之側大中祥符四年十月二十日眞宗拜嶽之所仍賜名爲宣澤亭有御製碑龍首龍座存焉昔爲禁地

物產考千葉白蓮生玉井中食之令人羽化

菖蒲生太上泉菖蒲池其葉細如劍香其根每寸九節服之令人強健延年益壽

細辛嶽頂西南隅方圓三四畝盡是細辛服之令人身體生香聞及百步

紫柏嶽頂東北峰上有紫柏葉際碧露以五月五日油囊接之食者可作地仙

五粒松嶽頂西南峰上有五粒松平如偃蓋旁有青蘿長百尺下生茯苓具如人形時生琥珀夜即有光如荷花晝如牛目服之遐舉夜可書字

肥蠅詳見肥蠅穴

蒼木 黃精

無憂樹陳希夷先生菴旁之樹

華山部彙考二

上古

黃帝封山遊於西岳

按史記五帝本紀不載 按封禪書黃帝時萬諸侯而神靈之封居七千天下名山八而三在蠻夷五在中國中國華山首山太室太山東萊此五山黃帝之所常遊與神會

有虞氏

帝舜祭西岳

按書經舜典八月西巡守至于西岳如初

按史記封禪書舜八月巡狩至西岳西岳華山也

秦

始皇二十八年定西岳之祀

按史記秦始皇本紀始皇二十八年議封禪祭山川之事 按封禪書秦并天下令祠官所常奉天地名山大川鬼神可得而序也華山春秋泮涸禱養如東方名山山川而牲牛犢牛具珪幣異

漢

武帝元封元年十月有事華山

按漢書武帝本紀元封元年冬十月詔曰朕用事華山至於中嶽獲駿庶見夏后啓母石

魏

元帝咸熙元年正月使使者以璧幣祠華山

按魏志元帝本紀云云

北魏

明元帝泰常八年正月幸洛陽遣使以太牢祠華山

按魏書明元帝本紀不載 按禮志云云

文成帝興安三年正月遣有司修華嶽廟立碑

按魏書文成帝本紀不載 按禮志文成皇帝即位

三年正月遣有司詣華嶽修廟立碑數十人在山上

聞虛中若有聲聲中稱萬歲云

孝文帝太和二十一年五月癸卯遣使祭華嶽

按魏書孝文帝本紀云云

隋

煬帝大業十年十二月幸東都過祀華嶽築場於廟

側

按隋書煬帝本紀不載 按禮儀志云云

唐

高祖武德二年十月甲子祠華山十二月丙申獵於

華山

按唐書高祖本紀云云

按舊唐書高祖本紀武德二年十月甲子上親祠華

嶽十二月甲辰狩於華山

武德二年四月丙申祠華山

按唐書高祖本紀云云

按舊唐書禮志武德貞觀之制五嶽四鎮年別一祭各以五郊迎氣日祭之祭西嶽華山於華州

元宗先天二年秋八月癸丑封西嶽華山神爲金天

王

按唐書元宗本紀不載 按舊唐書禮志元宗乙酉

歲生以華嶽當本命先天二年七月正位八月癸丑

封華嶽神爲金天王

按華嶽全集唐封金天王懿號開曰華山之神既能

興雲致雨而西方爲最貴矣軒轅皇帝遊焉以會神

靈虞舜望焉以觀羣后爰因夏氏以迄隋室朝更五

姓載歷三千祀典相因舊章未改壇場廟宇何代不

修一禱三祀無歲或缺所以報生植事靈神未嘗有

忘其神祉休明災咎淫惠亦未嘗爽神祠在黃神谷

口漢興平初遷於官道北建立宮庭祀事牲器視三

公之禮

開元八年三月勅太常長官分祭華嶽

按唐書元宗本紀不載 按開府元龜云云

開元十年勅石華嶽

按唐書元宗本紀不載 按舊唐書禮志開元十年

因幸東都於華嶽祠前立碑高五十餘尺又於嶽上

置道士觀修功德

開元十二年十一月丙寅帝親製華嶽碑文使勒石

按唐書元宗本紀不載 按舊唐書元宗本紀開元

十二年冬十一月庚申幸東都至華陰上製岳廟文

勒之石立於祠南

按開府元龜十二年十一月丙寅至華州命刺史徐

其文

開元十三年五月戊戌以親製西嶽碑示百寮有五

色雲見於前

按唐書元宗本紀不載 按開府元龜云云

開元二十三年九月丁卯羣臣請封嵩華二嶽

按唐書元宗本紀不載 按開府元龜開元二十三

年九月丁卯文武百官尚書左丞相蕭嵩等累表請

封嵩華二嶽表曰臣聞封巒之運王者告成當休明

而闕典乃臣子之深過伏惟開元神武皇帝陛下受

命繼天應期光宅垂慶雲而雨露暢和氣以生成物

荷深仁時惟天道文明之化洽矣穆清之風被矣淳

源既泳福應咸臻盈於天壤昭於方策蓋非愚下所

能頌美且天之在上日監在茲嘉大聖之神功降元

符以表德恭伸昭報祇事升中古昔大猷孰先茲道

臣等觀休徵以上請陛下崇謙讓以固辭事恐勞人

抑其勤願德音所逮自古未聞昔虞巡四嶽周在一

歲書稱其美不以爲煩率彼華嵩皆列近甸復茲豐

稔又倍他年歲熟則餘糧地近則易給况費務蓋寡

咸有司存儲峙無多豈煩黎庶吏當首路以望屬車

陛下往封泰山不祕玉牒嚴禋上帝本爲蒼生今其

如何而闕斯禮伏願發揮盛事差擇元辰先檢玉於

嵩山大泥金於華嶽天休既答人望見從上下交歡

生靈幸甚臣等昧死敢此竭誠理在至公祈於俯遂

無任惓款之至謹詣朝堂陳請以聞帝固讓不從手

詔報曰升中於天帝王盛禮蓋謂臻茲淳化告厥成

功今兆庶雖安尚少豐年之慶邊疆則靜猶有踐更

之勞况自愧於隆周敢追跡於大舜頃年迫於萬方

之請難違多士之心東封泰山於今惕厲豈可更議
嵩華自貽愆愆雖藉公卿共康庶政永惟非薄何以
克堪朕意必誠宜斷來表也

開元二十八年九月己丑羣臣請封嵩華二山不許
按唐書元宗本紀不載 按開府元龜二十八九月
己丑郊王守禮率宗子左丞相裴耀卿率百官僧
道父老皆於朝堂抗表以時和年豐請封嵩華二山
帝抑而不許

天寶三年四月丙辰遣宗正卿濮陽郡王祭西嶽
按唐書元宗本紀不載 按開府元龜云云

天寶九載正月丁巳詔封華嶽因災停封二月壬寅
瑞見西嶽

按唐書元宗本紀天寶九載正月丁巳詔以十一月
封華嶽三月辛亥華嶽廟災關內旱乃停封

按舊唐書禮志天寶九載將封禪於華嶽命御史大
夫王鉷開鑿險路以設壇場會祠堂災而止

按開府元龜天寶九載正月文武百寮禮部尚書崔
翹等累上表請封西嶽刻石紀榮號帝固拒不許翹

等又奉表懇請曰自今月辛亥至於癸丑累表誠祈
請紀榮號聖心默沖謙再三臣等伏讀綸言退增

祇慄敢重瀝愚懇期諸必遂臣聞聖人之言與春秋
而同信上天之宰將影響而合符昭報不可以久稽

成命不可以固拒今靈山警蹕望玉鑾之升中儒林
展儀思金匱之盛禮發祥儲祉喻以封山人事天時

不可失也伏惟開元天地大寶聖文神武應道皇帝
陛下祖武宗文重熙累洽靈風化而砥礪在動植而

昭蘇外戶不肩餘糧栖畝其神功至道廣瑞殊祥前

表縷陳安敢浮說夫修德以俟命勒功以告成將欲
竭款神祇雍熙帝載未為過越也伏惟覽公卿之議
考封禪之禮陟華蓋於翠微轉鈎陳於雲路泥金於

黃苞之上刻玉於明星之前使三五六經復再聞於
唐典七十二姓不獨紀於夷吾敷景福以浸黎元錫
大慶而後天地蒼生之望也朝廷之幸也無任誠懇
悃款之至謹詣朝堂奉表陳請以聞帝手詔不許曰

輕修大典所不願為時或傳中旨請紀榮號何如空
云請封西嶽乙卯羣臣又奉表請封西嶽曰臣翹等
伏稽古訓上請增封再奉明旨未蒙允諾臣等承詔

惶駭失圖臣聞省方展義君人之大典登封告成王
者之不業是以古先哲后道治則封所以答神祇之

功增兆庶之福無私於己故行之者不思必順於天
故言之者難奪敢昧萬責竭誠終請伏惟開元天地

大寶聖文神武應道皇帝陛下紹文武之丕烈合君
臣於昌運均雨露和陰陽四海無波而靜默羣生自

樂而仁壽絲絲是德懷蠻貊澤洎昆蟲宗廟祀典罔不
祇肅要荒殊俗亦莫不庭自皇王以來載籍所記未

有混區宇窮禎祥地平天成德茂道洽若今日之盛
者固可告太平之功展封崇之禮故臣與王公侯伯

黎老總黃累陳白奏備竭丹懇豈謂聖恩猶阻皇鑒
未迴伏奉癸丑詔書曰輕修大典所不願為臣等戰

慄匪遑寧處實以陛下功成道洽理實升中且夫龜
龍咸格天意也夷夏大同人事也時和年豐太平也

無為清淨至理也允應大典豈謂輕修乎奉若靈命
安可不為乎臣等敢冒宸極重明其義竊以西嶽華
山實鎮京國皇虞之所循省靈仙之所依憑固可封

也况金方正位合陛下本命之符白帝臨壇告陛下
長生之錄發祥作聖抑有明徵又可封也昔周成王

以薊桐為戲唐叔因是而定封蓋人君之言動有成
憲斯事至細猶不忽也况陛下眷言封祀宿著神明
道已洽於升平事未符於琬琰豈可抑至公於私讓

棄誠信於神明乎固不可得而辭也日者封章累奉
嘉應必臻一獻而甘雨流再陳而瑞雪降則知人天
之意影響合符若然者陛下安得稽天命以固辭違

人事以久讓太平不告其若休祥何至理不答其若
神祇何伏願仰答天心允祇靈貺上以揚祖宗之盛

烈下以副億兆之懇誠克崇上報永光大典臣等幸
甚宗子又上表曰臣微等伏見禎祥委積河海澄清

長瞻北極之尊屢獻西封之疏誠懇不達天鑒未從
徘徊闕庭隕越無地陛下再造區寓肇康生人與天

合符與道合契故得靈芝表瑞玉板呈文九穀咸衍
於京坻百蠻盡習其冠帶能事備於典策盛德光於

祖宗升中告成是屬今日惟夫太華高冠羣山當其
少陰鎮此西土自有虞巡狩歷祀三千夏殷以還罕

能肆觀陛下雖加進寵號增崇廟宇而大禮未施精
意空潔又陛下頃歲建碑曰嘗勤報德之願未暇封

崇之禮萬姓瞻予言可復也臣以為天地之主豈徒
言哉神祇侯望故已久矣伏願俯順百辟兆人之請

明徵刻石銘山之記覽遷萬乘降被三峰奠珪璧于
中壇奏笙鏞于上帝使普天蒙福重賜無疆頻冒宸
嚴並期必遂無任懇切屏營之至謹詣朝堂奉表陳
請以聞凡三上表上乃許之丁巳詔曰以今載十一
月有事華山中書門下及禮官詳儀注奏聞務從省

便二月壬寅華陰郡奏白鶴見于西嶽五福峰甘露降大羅峰之醴壇白鹿見於大羅東南峰駕鶴嶺衛叔卿之得仙處請付史館從之三月西嶽廟災時關中久旱詔曰自春以來頗愍時雨登封告禱情所未遑所封西嶽宜停

肅宗上元二年改封華山爲太山

按唐書肅宗本紀不載 按文獻通考云云

僖宗乾符五年勅封少華山爲佑順侯

按唐書僖宗本紀不載 按文獻通考云云

宋

太宗太平興國八年議祀嶽鎮常制於立秋日祀西嶽於華州

按宋史太宗本紀不載 按禮志太平興國八年祕書監李至言按五郊迎氣之日祭逐方嶽鎮其後立

秋日祀西嶽華山於華州

眞宗大中祥符二年五月庚辰陝西旱遣使禱西嶽

按宋史眞宗本紀云云

大中祥符二年九月丁亥華州言父老二千餘人請

幸西嶽

按宋史眞宗本紀云云

大中祥符四年二月遣官祀西嶽又親謁西嶽廟五

月加上五嶽帝號

按宋史眞宗本紀四年二月壬子出潼關渡渭河遣

官祀西嶽乙丑加號西嶽己巳次華州幸雲臺觀庚

午宴宣澤亭紫雲如龍起上召見隱士鄭隱李寧賜

茶果束帛五月乙未加上五嶽帝號作奉神述 按

禮志車駕至潼關遣官祀西嶽用太牢備三獻禮庚

午親謁華陰西嶽廟羣臣陪位廟垣內外列黃麾仗

遣官分奠廟內諸神加號嶽神爲順聖金天王五月乙未加西嶽曰金天順聖帝又加五嶽帝后號西日肅明遣官祭告

哲宗元祐元年遣官祭西嶽

按宋史哲宗本紀不載 按禮志元祐元年十二月以華州鄭縣山權命太常博士顏復往祭西嶽

金

世宗大定四年詔立秋日祭西嶽於華州

按金史世宗本紀不載 按禮志大定四年禮官言

嶽鎮海濱當以五郊迎氣日祭之詔立秋日祭西嶽

華山於華州

大定七年議改華嶽以范拱議仍舊制

按金史世宗本紀不載 按續文獻通考大定七年

或有言前代都長安及汴洛以太華等山列爲五嶽

今既都燕當別議五嶽名時太常寺官或取嵩高疏

周都豐鎬以吳嶽爲西嶽范拱以爲非是議略曰軒

轅居上谷在恆山之西舜居蒲阪在華山之北以此

言之未嘗據所都而改岳祀也後遂不改

元

世祖至元三年夏四月定每歲祀嶽鎮之制七月土

王日祀華山於華州界

按元史世祖本紀不載 按禮志云云

至元二十八年春二月加上西嶽金天大利順聖帝

按元史世祖本紀不載 按禮志云云

仁宗延祐四年十月壬寅遣御史大夫伯忽參知政

事王貴祭陝西嶽鎮名山

按元史仁宗本紀云云

明

按元史仁宗本紀云云

太祖洪武三年遣尚書吏部員外郎李矩致祭西嶽

洪武十年八月戊申遣宋國公馮勝道士何公溥致

祭西嶽

洪武二十五年四月乙卯遣禮部主事廖亮等致祭

西嶽

按以上俱華嶽全集云云

惠宗建文四年七月丙申遣道士曾惟新致祭西嶽

按華嶽全集云云

成祖末樂四年七月甲子遣道士鄧全禮致祭西嶽

未樂五年五月戊辰遣監生劉純致祭西嶽

未樂九年遣戶部侍郎王彰致祭西嶽

按以上俱華嶽全集云云

仁宗洪熙元年遣鴻臚寺少卿趙泉致祭西嶽

按華嶽全集云云

宣宗宣德元年二月乙亥遣應城伯孫傑致祭西嶽

按華嶽全集云云

英宗正統元年正月辛巳遣安遠侯柳溥致祭西嶽

正統二年遣華陰縣知縣王貫祭告西嶽

正統六年正月乙卯遣禮部右侍郎王士嘉祭告西

嶽

正統九年四月癸卯遣翰林院編修呂原祭告西嶽

正統十年六月丁巳遣通政使司右參議湯鼎祭告

西嶽

正統十一年遣通政使司右通政王錫致祭西嶽

按以上俱華嶽全集云云

代宗景泰元年正月庚申遣工科給事中霍榮致祭

西嶽

景泰五年遣左春坊兼翰林院侍講楊鼎致祭西嶽

按華嶽全集云云

英宗天順元年遣禮科給事中張璿致祭西嶽

天順五年遣大理寺丞丘晟致祭西嶽

按華嶽全集云云

憲宗成化元年二月丁卯遣吏科給事中李和致祭

西嶽

成化四年五月丁丑遣巡撫陝西都察院右副都御史陳份祭告西嶽

成化九年四月甲子遣禮科給事中霍貴致祭西嶽

成化十三年六月乙巳遣巡撫陝西都察院右都御史余子俊祭告西嶽

成化二十年遣巡撫陝西都御史鄭時致祭西嶽十

月甲子又遣吏部左侍郎耿裕致祭

成化二十三年遣詹事府劉健致祭西嶽

按以上俱華嶽全集云云

孝宗弘治元年遣成山伯王鏞致祭西嶽

弘治六年五月朔遣巡撫陝西都察院右副都御史

王宗彝致祭西嶽

弘治十年四月遣巡撫陝西都察院右副都御史許

進致祭西嶽

弘治十四年四月甲午遣巡撫陝西都察院右副都

御史周季麟致祭西嶽

弘治十八年十月乙卯命巡撫陝西兼督理馬政都

察院左副都御史楊一清致祭西嶽

按以上俱華嶽全集云云

武宗正德元年遣大理寺左少卿張鸞致祭西嶽

按華嶽全集云云

世宗嘉靖十七年七月遣華陰縣知縣唐寅祭謝西

嶽

嘉靖四十年八月丁卯遣巡撫陝西都察院右僉都

御史裴紳致祭西嶽

嘉靖四十三年遣巡撫陝西都御史陳其學致祭西

嶽

按以上俱華嶽全集云云

穆宗隆慶元年十月丙申遣寧晉伯劉斌致祭西嶽

隆慶二年八月丁酉命巡撫陝西贊理軍務都察院

右僉都御史張祉致祭西嶽

按以上俱華嶽全集云云

神宗萬曆十五年遣巡撫陝西都御史王璇致祭西

嶽

按華嶽全集云云

華山部彙考三

皇清

順治十四年

按華嶽全集順治十四年二月己丑

皇帝遣整飭潼關等處兵備兼分巡關內道陝西按

察司副使湯斌致祭於西嶽華山

順治十八年

按華嶽全集順治十八年閏七月二十五日

皇帝遣都察院左副都御史楊時薦致祭于西嶽華

山

欽定古今圖書集成方輿彙編山川典

第六十八卷目錄

華山部藝文一

請雨華山賦

漢劉向

掾臣條屬臣準書佐臣謀弘農太守上祠西嶽

乞差一縣賦發復華下十里以內民租田口算

狀

樊毅

修西嶽廟記

闕名

延熹八年西嶽華山廟碑

闕名

西嶽華山堂闕碑銘

衛覲

西嶽華山亭碑

前人

華嶽銘序

晉傅元

太華山讚

郭璞

西嶽太華山碑銘

唐元宗

上西嶽書

李靖

少華山佑順侯碑頌

房鄴

修華嶽廟碑

李商隱

仙掌銘

獨孤及

太華山仙掌辯

王涯

山川典第六十八卷

華山部藝文一

請雨華山賦

漢劉向

崆嶺巍巍嶺山清忽幽昧往曲勃林岑茱萸竭離安

連迎嚶通谷曼服懷登草均阿阪殷紛聲沸路遶遠

調修岑曜寒服嶼冥冥蘭蕙散映嶠晴林休漆漆路

黍稷雲囀忽傳天下為深壑旅請今深渥水谷密請

宜令所出百鎗鎗清池涌泉淡州鳴驚翔噪噪珠侶

診賞懸若神悲哀但往不可語人鹿麋鹿鹿他他

野牛勝握觸熊羆羆律怒佛特林旅象犀庸遊山陵

天陰且雨貪日聆棠柘梓桐樛樛母猴猱木戲手相

持聆陽遊禁若風時憚驚飄陽驚孔翠文章明豎曠

苑食游山旁悵嶺孤狹臨水凝渾今不觸果必方莖

格可為悵陵鯉難神龜春夏出游冬自根聖人親之

誠虞哉號拖何不可勝亦路臨何為華山此賦文理難解疑多

掾臣條屬臣準書佐臣謀弘農太守上祠西嶽

乞差一縣賦發復華下十里以內民租田口算

狀

樊毅

光和二年冬十二月庚午朔十三日壬午弘農太守

臣毅頓首死罪狀書臣毅頓首頓首死罪謹按

文書臣以去年十一月到官其十二月奉祠西嶽

華山省視廟舍及齋衣祭器率皆久遠有垢敝魯不

修太室春秋示議臣以神嶽至尊宜加恭肅輒遣行

事苟班與華陽令先謙以漸繕治成就之後仍雨甘

雪澍潤宿麥惠滋黎庶臣即日以詔書齋祀雪未消

釋時日清和神親民喜誠聖朝勞神日昊廣被四表

覆育之德神人被施遐邇大小莫不幸甚臣毅頓首

頓首死罪死罪謹書言縣當孔道加奉尊嶽一歲四

祠養牲百日常常充肥用穀藁三十餘斛或有請雨

齋禱役費兼倍每被詔書調發無差山高聽下恐近

廟小民不堪役賦有饑寒之窘違宗神之敬乞差諸

賦役復華下十里以內民租田口業以寵神靈廣所

多福降中興之祚臣輒聽行盡力奉宣詔書思惟惠

利增異復上臣毅誠惶誠恐頓首頓首死罪死罪上

尚書

修西嶽廟記

闕名

山海經曰太華之山削成而四方其高五千仞廣十

里周禮職方氏華謂之西嶽祭視三公者以其能典

雲雨產萬物通精氣有益於人則祀之故帝舜受堯

曆數親自巡省設五鼎之典燔柴燎煙致敬神祇又

用昭明百穀繁殖黎民時雍鳥獸率舞鳳凰來儀暨

夏殷周未之有改也其德休明則有禎祥荒淫朕機

篤災必降秦違其典璧還鄆池一世以亡高祖應運

禮遵陶唐祭則復福英世克昌亡新滔逆鬼神不享

建武之初彗掃頑凶更率舊章敢用元牡牲牷必充

天惟醇祐萬國以康光和二年有漢元舅五侯之胄

謝陽之孫曰樊府君諱毅字仲德承考讓國家於河

南究職州郡辟公府除防東長中都令誅強賊撫將

民二鄙以清命守斯邦威隆秋霜恩踰冬日景化既

宣由復夕惕惟覯祿之報順民之則孟冬十月齋祀

西嶽以傳窄狹不足處尊卑廟舍舊久牆屋傾壞世

室不修春秋作議特部行事苟班與縣令先謙以漸

補治設中外館圖珍奇畫怪獸嶽瀆之精所出廟秀

役不干時而功已著暫勞久逸神未有恙自古太山邱邑猶存五嶽尊同哀此勤民獨不賴福乃上復十里內工商農賦克厭帝心嘉瑞仍答風雨應起澍潤品物君舉必書况乃盛德惠及神人可無述焉於是功曹郭敏主簿魏襲戶曹史許禮等遂刊元石銘勒鴻勛垂耀靈軫存有昭識其辭曰二儀判判清濁始分陽凝爲山陰積爲川泰氣推否洪波汎臻堯命伯禹決江開汶川靈既定恩覆兆民乃刊祀典偏於羣神因濟祭地嶽以配天世主遵循未享歷年赤銳煌煌受茲介福京夏密清殊俗賓服令問不違可謂至德德音孔昭實惟我后出自中興大漢之舅本枝惟百延慶長久俾守西嶽達奉神祠改傳飾廟靈有攸齊降瑞答祥景風凱悌惟風及雨成我稷黍穡民用章建父室宇刊銘記誦充配梁甫

延熹八年西嶽華山廟碑

闕名

周禮職方氏河南山鎮曰華謂之西嶽春秋傳曰山嶽則配天乾坤定位山澤通氣雲行雨施既成萬物易之義也祀典曰日月星辰所昭仰也地理山川所生殖也功加於民祀以報之禮記曰天子祭天地及山川歲徧焉自三五迭典其奉山川或在天子或在諸侯是以唐虞疇咨四嶽五歲一巡符皆以四時之中月各省其方親至其山柴祭燎燎夏商則未聞所損益周鑒於二代十有二歲王巡狩殷國亦有事於方嶽祀以圭璧樂奏六歌高祖初興改泰淫祀太宗承循各詔有司其山川在諸侯者以時祀之孝武皇帝修封禪之禮思登假之道巡省五嶽禮祀禮備故立宮其下宮曰集靈宮殿曰存僊殿門曰望僊門中

宗之世重使使者持節祀焉歲一禱而二祠後不承前至於亡新爰用丘墟訖今垣趾營兆猶存建武之元事舉其中禮從其省但使二千石以歲時往祠其有風旱禱請所求靡不報應自是以來百有餘年有事西巡輒過亭祭然其所立碑石刻紀時事文字靡滅莫能存識延熹四年七月甲子弘農太守安國亭侯汝南袁逢掌華嶽之王位應古制修廢起頓閱其若茲深達和民事神之義精通誠至酌祭之福乃案經傳所載原本所由銘勒斯石垂之於後其辭曰嚴巖西嶽峻極穹蒼奄有河朔遂荒華陽觸石與雲雨我農桑資糧品物亦相瑤光崇冠二州古曰雍梁馮於幽岐文武克昌天子展義巡狩省方玉帛之贄禮與俗亢六樂之變舞以致康在漢中葉建設宇堂山嶽之守是秩是望俟惟安國兼命斯章尊修靈基肅共壇場明德惟馨神歆其芳遏攘凶札擎斂吉祥歲其有年民說無疆

西嶽華山堂關碑銘

衛凱

易曰天地定位山澤通氣然山莫尊於嶽澤莫盛於瀆山嶽有五而華處其一瀆有四而河在其數其靈也至矣聖人廢典必有其應故泰山石立中宗繼統太華授璧秦胡絕緒白魚入舟姬武建業寶珪出水子朝喪位布五方則處其西列三條則居其中若廣袤奇蟲山經有紀矣是以帝王巡狩親五嶽而告至觀方后而考禮故經有望秩之禮典有生殖之祀蓋所以崇山川而報功也四海一統天子秉其禮諸侯力政疆國攝其祭奉其邑日華陰也久矣乃紀於禹貢而分泰晉之境界鄙晉之西則曰陰晉邊秦之東

則曰寧秦邑既遷徙禮亦如之二國力爭以奉以祭其城險固基趾猶存故老之言未煩於民也逮至大漢受命克亂不愆不忘舊名是復率禮不越故禮是尊歷葉增修虔恭又備一禱三祀終歲而四以迄于今而世宗又經集靈之宮於其下想喬松之嘑是遊是憩郡國方士自遠而至者充巖塞崖鄉邑巫覡宗祀乎其中者盈谷溢谿咸有浮飄之志愉悅之色必雲霄之路可升而越果繁昌之福可降而致也故殖財之寶黃玉自出令德之珍卿相是毓匪惟高降生申甫此亦有焉天有所興必先廢之故殷宗周宣以衰致盛是時也王業中缺大化陵遲郡縣既毀財匱禮乏庭廟傾壞壇場蕪穢祭祀之禮有缺焉於是鎮遠將軍領北地太守關鄉亭侯段君諱熲字忠明自武威占此土憑託河華二靈是與故能以昭烈之德享上將之尊御命持重屯斯寄國討叛柔服威懷是示羣兇既除郡縣輯寧家給人足戶有樂生之歡朝釋西顧之慮而懷關中之特雖昔蕭相輔佐之功功冠羣后弗以加也遂解甲休士陣而不戰以逸其力修飾亭廟壇場之位荒而復辟禮廢而復興又造祠堂表以參闕建神路之端首觀壯麗乎孔徹然後旅祀祈請既有常處雖雨霑衣而禮不廢於是邑之士女咸曰宜之乃建碑刻石垂示後裔其辭曰於穆堂闕堂闕昭明經之營之不日而成匪奢匪儉惟德是程匪豐匪約惟禮是榮虔恭禮祀黍稷芬馨神具醉止降福穰穰

西嶽華山亭碑

前人

惟光和元年歲在戊子名曰咸池季冬己巳弘農太